

ادبیات عمومی و تاریخی

هفته‌لق سیاسی ، ادبی ، علمی غزته در

جلد : ۳

سنه : ۲ ۱۰ جاذی الاخر ۱۳۳۶ جمعه ایرتسی ۲۳ مارت ۱۹۱۸ نومرو ۲۹ — ۶۰

تورکک مثنائه وائر

اسکی تورککرایله قدیم یونانیلرک عرقاً یکدیگریله مقایسه‌سی

اسکی تورککرایله قدیم یونانیلر بیننده اول اسرده برمناسبت عرقیه عمومیه واردرکه اوده آنلرک ایکینسک دخی عرق ایضه منسوب اوله لیدر . فقط بزم بیلک ایسته‌دیکمز مناسبت بو اولمایوب مناسبت عرقیه خصوصیه در .

بز ، تورککرایونانیلره (روم) نامنی ویریرزکه بو بویوک بر خطادر . (روم) و (رومی) اساساً (رومالی) وروما ایمپراطورلغی اهایسی دیمکدر . (روجه) دخی اساساً (لاتیجه) دیمکدر . فقط صوکره‌لری شرقی روما ایمپراطورلغی اهایسی نسان یونانی‌نی تکلم ایتکه باشلامش اولدقلرندن ، (روم) کله‌سی غلط اوله‌رق (یونان) کله‌سی مقامنده قوللانغنه باشلامشدر . آناتولیده تأسس ایتش اولان بعض تورک حکومتلرایله دولت عثمانیه مذکور ایمپراطورلغک ممالکنه قسماً ویا کاملاً مالک اولدقلری ایچون بودولتله علم اوله‌رق عربلرایله عجملر (رومی) تعبیری استعمال ایدرلر . بناءً علیه (روم) و (رومی) تعبیرلری محذوردن سالم دکدرلر .

(یونان) تعبیری اسکی بر یونان قبیله‌سی اسمندن مأخوذ اوله‌رق اساساً قوم اسمی و (یونانی) کله‌سی دخی برصفت ویا (یونان لسانی) مقامنده استعمال اولمقده ایسه‌ده بز اکثریا (یونان) قومنی افاده ایتک ایچون (یونانی) و (یونانی) شکاری دخی استعمال ایده‌رز .

فرانسزلر یونانیلره (غره‌ق) و آلمانلر (غریه‌ش) تسمیه ایدرلرکه بوتعبیر لاتینجه (غره‌کوس) دن مأخوذدر . بولکه رومالیلرک ایلک اوچکه (ایلیریا) ده طانیققلری برقبیله اسمندن مأخوذدر .

یونانیلرک تقریباً میلاددن اون درت‌عصر اول کندیلرینه ویردکلری نام ملی (هلن) و یونانستانه ویردکلری اسم (هلاد) در . فقط تاریخ مذکوردن اول یونانستانده بر اجتماع ملی یعنی بر ملت متأسس اولمایوب بلکه متعدد و مختلف قوملر و قبیلهلر موجود ای .

یونان ملتک یعنی هلنلکک تشکیلدن اول یونانستانده بولشمش اولان اقوامه طائد معلومات تاریخیه بزه عرق یونانی‌نی بیلدیره‌جکندن ، معلومات مذکوره بوجه زیر درج اولونور .

مملکتتمزك سامان شعرینه اوتوز بچق بیت هدیه ایتش اولان او ذات قدر فرانسز ادبیاته واقف اولمادیغی اعتراف ایتکله مفتخرم. اونک فارسین بکنامکده اولسنه نظراً بولسانی بندن ایی بیلدیکی آکلاشیلور، راغب پاشانک قوسقه ده کی کتبخانه سی عجم شعراسنک اک منتخب دیوانلرینی جامعدر. بکا هیچ برارانیلنک،

بو قراکفده سودیکم، ایکیمز
برسیاه کوزده چیفته یاش کی یز!...

کی برتلفیسی ویا بوکا یاقین برخیالی کوستره بیلیمی؟..
شهرمزده ادبای ایرانیه دن پک مقتد ذوات واردر. بونلره وهرقارسی بیلنه. صورارم که :
- بومضمون وماآلنده برعجم شعرینه مصادف اولمشلر میدر؟.. صورددقندن و اقتضا ایدرسه سنه لرحه بکلدکن صوکره نجوابنی ینه کندیم ویرر، دیرم که :
- خایر، بوبر تلقی خصوصینک محصول الهامپوریدر.

[مابعدی وار]

سلیماه نظیف

[کوستاولوونون ک آثارندن .]

فرانسه اختلالی و روحیات انقلابات

«خلق» مدلولی و عناصر اساسیه سی

بعض تلقیات نظریه به توافق ایده بیلک ایچون «خلق» مدلوله هر درلو فضیلت و قوتی حائز بر معنای رمزی ویرمک مجبوری حاصلی اولمشدر. پولتیقه جیلر، بومدلولک هر وقت مدیحه خوانی اولفندن و بوکا قارشو وضع التفات و تبصص آلفندن کیری طور مامشلردر. بومدلولک ماهیت اصلیه سی تدقیق، و، فرانسه اختلالنده خلقک طوتدیغی موقعی تعیین ایتک قائده دن خالی دکلدرد.
[ژاقوبین] لر دورنده اولدیغی کی زمانمزده دخی «خلق» مدلوله «بر شخصیت عالی» و «لایخطیلک» اضافه اولمقده در. بوایکنجی صفت ممتازیه سی ایجابحه کندیسنه خطا اسنادی جائز اولیان «خلق» دن حساب آرانماز؛ اونک اراده سنه انقیاد لازمدر. «خلق»، نهب و غارت، قتل نفوس، ظلم و اعتساف کی فضایح شنیعه بی ارتکاب ایتسون، ویا دون سریر احترام و تقدیسه اجلاس ایتدیردیکی بر قهرمانی مذلت و حقارتله برکون صوکره دوشورسون، پولتیقه جیلر، اونک حرکاتی تصویب و نتایج اجرا آتکنک اصابتی تقدیر ایله فضائل عالییه سی شرح و تفصیله ساعی اولورلر. [۱]

[۱] جمهوریت طرفدارلرینک اک متعصبلی بیه بو صورت تلقی به قارشو مخالفت کوسترمکه باشلامشلردر موسیو [قله مانسو] دخی سوسیالیستلر طرفندن «خلق» مدلوله اضافه اولنان اصابت رأی صفتنی قبول ایتیور،

بر عسردن بری اختلالجیلرجه بودرجه شایسته تقدیس تلقی اولنان « خلق » مدلولیک ماهیت اصلیه سی نه در ؟

« خلق » ی ایکی صنفه تقسیم ایتک ممکندر . برنجی قسم ؛ چالیشق ایچون راحت وانتظامه مفتقر اولان کوپلی وتاجرلردن وهرنوع ارباب مساعیدن مرکبدر . واقعا بوکتله اکثریتی تشکیل ایتکده ایسه ده حدذاتنده سکوت ایچنده ودائماً مشغول بولندیغندن اختلالاتک عالمی اوله ماز . بونک ایچوندرکه مورخاربوصنف خلقی تدقیق کلفتی اختیار ایتیورلر .

اعتشاشات وتذبذبات ملیه ده بک مؤثر برتقوذ احراز ایدن وطبقات اجتماعیه نک طور توسی اولان برصنف خلق وارددرکه سفالت ، کثول پرستی وبرذهنیت جنایتکارانه ایله معلول برطاقم خرسز ، دیلنجی سرسریلردن مرکب اولق طولایسیله اختلالجی اردولر ایچون بیوک برتهلکه تشکیل ایدر . بوزمره یه داخل اولانلردن برچوغی ، جزایه دوچار اولماق قورقوسیله احوال عادییه ده ارتکاب فضایحه جسارت ایده مزلر . فقط بونلر ، ذهنیت ردیه لرینک امر ایتدیکی شنایچی ایقاعده برتهلکه کورمدکاری زمان ، بک قولایقله جنایت وادیسنه صابارلر . ایشته اختلال زمانلرنده واقع اولان قانلی فجایع بو زمره نک اثر مشئومیدر . فرانسه اختلالنده بیوک مجلسلری زیروزبرایدنلر بونلردر . برطاقم مشوق وسائشک تلقیناتیه حرکت ایدن بواغتشاش قافله لرینک غایه لری نهب وغازت ، قتل نفوسدن بشقه برشی دکادی . بونلر ایچون دساتیر ونظریات هیچ حکمنده ایدی .

خلقک اک سفلی وسفیل طبقاتندن مرکب بولنان بر عناصره قاعده سرایته تبعاً برچوق ایشیز ولاقید آدملرده التحاق ایدرلر . بونلر ، اصل مقصدک نه اولدیغنی بیلمه دن ، ا کلامه دن ، وبوبابده بک ابتدائی بر فکر بیه حاصل ایتمه دن ، سائرلرک اثرینه اقتفا ومحیطک تأثیراته تابع اوله رق حرکت کایرلر . ادوار قدیمه دن بوکونه قدر خطبا واسلو بیونک ورد زبان ومقال ایتدکلی « خلق » ، بتون اغتشاشاتک مصدر ومنبعی اولان بوشیرر وکورتوجی قافله در . ارباب فکر وقلم حاکمیت مطلقه یی بوزمره ده کوریور . بالفعل حاکم اولان بو خلق طبقات اجتماعیه نک اک عادیسندن چیقشدر . [نی یه - ۱] دیورکه : « [تاسیت] ک موضوع بحث ایتدیکی اسافل ناس ، زمانزده ده هیچ دکیشمه مشدر .

جمعیت بشریه نک ایچنده مقدارلری استکشار ایدیه لک درجه ده بولنان بوسنادید شروحنایت ، هروقت جمعیتی تلویته صالح فضایحی ارتکابه آماده در . »

اسافل ناسک فرانسه اختلالی زماننده احراز ایتدیکی نفوذ وحاکمیت ، تاریخک هیچ بردورنده بوقدر امتداد ایتمه مشدر .

قتال ، بوکروهک هر درلوقیوددن آزاده قالدینی تاریخندن یعنی ۱۷۸۹ دن اعتباراً و [قونوانسیون] دن چوق اول باشلامش ، وحشت واعتساف ، بتون غلظتلری وچرکینلکریله اوزون مدت دوام ایتشدر . [ایلول قتالی] نده محبوسین ، خلقک آلقیشلری ومسرت آوازه لری آره سنده یارچه پارچه دوغراندی ، تماشا کران ایسه ، فریادوانینلره شطارتله مقابله ایتدیلر . اختلالک ابتدا سنده بیله اجنبیلره قارشو محاربه مجبورتی اولدینی حالد فرانسه نک هر طرفنده بوقبیل فضایح ارتکاب اولندی . مارتدن ایلوله قدر بتون مملکت ، قتال ، غارت وحریق کی افعال شنیعه یه صحنه اولمشدی . اسافل ناس ، [روئنه] [لیئون] ، [ستراسبورغ] ودها برچوق شهرلره حاکم اولمشلردی . [تروئی] شهری بلدییه رئیسک کوزلری مقاصله اویولیور ، دراغون میرالایی برچوق اشکنجه لردن صوکره دیری دیری پارچه لاتیور ، برچوق یرلرده معصوملرک یوره کلری چهلرندن قوباریله رق سوقاقلرده کزدیریلیوردی .

ارثی بر جوق قبایحك تأثیر به مغزل اولان اسافل ناس ، حسیات ردیئه سنده سربست بر جریان ویره بیله جك بر آزادی به مظهر اولدینی وقت ، بویه شنیعه لر ارتکاب ایدر .
طبعاً وحشی وحشیاته تابع اولان بوکروهك قارشوسنه تهدیدی ایقاعه قادر بر قوت چیقویر نیجه ایش دکیشیور واونی تحت حاکمیته آلمق ممکن اولیور . بو زمیرهك تذلل قابیلیتی ، عنف وحشی درجه سنده یوکسکدر . [قالیکولا] [نهرون] [مارا] ، [روبه سی ر] ، [بولانزه] کی صنادید حاکمیتك جمله سنی آلفیشلایان بوکروهدر .

ایشیله ، کوچیله مشغول و یوقاروده موضوع بحث اولان صنف خلفه کلنجه : اختلال نظریاتجیلری بونی پك آز طانیرلر ، و ، عنعنوی و محافظه کار تمایلاتی نظر دفته آلهرق اوکا اعتماد ایتزلر بر طبقه اجتماعیه ، قورقودن مشوقلرك القاءتیه مطبع و قولایاقله قابل تحریك ایهدهه تأثیرات ارثیه سنه تبعاً اختلاللردن چابوق اوصامغه میالدر ، و ، تذبذب حدودی آشار آشاز ، روح عنعنویسنك الجا آتی نتیجه سی اولق اوزره او اغتشاش و اختلال عوامانه قارشو دشمن کیسه رك ، تأسیس انتظام ایده جك بر حاکم آرامغه باشلار ؛ بو صنف خلقك سیاسی غایه سی بالطبع یوکسك و متکامل اولمديغندن تمخیل ایتدیکی طرز اداره دیکتاتورلغه پك قریبدر .

ایشته بونك ایچوندركه یونان قدیم جمهوریتاری دورندن بوکونه قدر ، تذبذبلردن صوکره تأسیس ایدن حکومتلر بوشکلی آملشردر .

کرمی احمد مانی

عثمانیلرک اوروپاده کی مستملکاتی

— مابعد —

بولغارستان

سیاسی دکل ، طبیعی جغرافیا نقطه نظرندن اسکیدن بولغارستان دنیلن طونه حوضه سنك نهر مذکوره دوکولن آياقلىرى وجه آتی اوزره در : ۱ — « تیموق » قوجه بالقانندن ، ایکی منبعدن کلیر . ودیندن نیشه کیدن یول بونك اوزرندن کچدیکنندن بیوک بر اهمیت واردی . قدیم صربستان ایله بولغارستانك حد قاطعی عد ایدیلردی . تیموقك آياقلىرى محاربات تدافیه به غایت قابیلیتی بر مملکتدن کچر . بونلرك اوزرندن و دین نیکبولی یولی مرور ایدر . ۲ — « اسکر » = قدیم نهزوس « بالفانلرك اورتیه یایلاسنندن چیقار . صاقوفی اروا ایدر . جوارده کی قیز دربندی طریقیه آرناؤدلقدن ادرنه به کچیلیر . بونهر « صوفیه » [قدیم = اولیا ساردیقا] نك پك جوارندن طولاشیر . بوقصبه نك اهمیت عسکریه سی پك بیوک ایدیهدهه وقتیه احکامنه همت ایدله مشدی . بولغار امارتنك تشکیلده پای تحت اتحاد اولنسی بومدطایی تأیید ایدر . صوفیه ترایان (قدیم) دربندینه ، یعنی استانبولدن